

Каноны из Триоди Постной

В Неделю Крестопоклонную

Творение Господина Феодора Студита

Глас 1

Ирмос: Божественнейший прообрази древле Моисей, в Чермнем мори провед Израиля Крестом Твоим, воду жезлом пресек, песнь Тебе исходную воспевая, Христе Бже.

Припев: Слава, Господи, Кресту Твоему Честному.

Торжества день, востанием Христовым, смерть безвестна показася, жизни возсия заря, Адам востав ликует радостию; темже воскликнем, победную поюще.

Слава, Господи, Кресту Твоему Честному.

Поклонения день Честнаго Креста, приидите к нему вси, востания бо Христова заря, светосияя предлагает ныне, того облобызаим душевно радуящися.

Слава, Господи, Кресту Твоему Честному.

Явися великий Господень Кресте, покажи ми зрак Божественный красоты Твоея ныне, достойно поклонника хвалы Твоея; ибо яко одушевленную тебе, и возглашаю, и облобызаю тя.

Слава, Господи, Кресту Твоему Честному.

Да восхвалят согласно небо и земля, яко предлежит всем всеблаженнейший Крест, на немже пригвожден телесне пожресе Христос. Того лобызаим душевно радуящися.

Слава, *Троицен:* О Троице начертаньми! О Единице зраком! Отче, Сыне, и Душе, единосильная Единице, в совете и хотении, и Державы начале, мир Твой сохрани, мир подающи.

И ныне: Иисуса никакоже ведущи мужеска, Дево, безсеменно раждаеши Младенца, чисто носиши рождение, мира Творца Христа Бога, Того моли умироти всяческая.

Спаси от бед раби Твоя, Владыко Многомилостиве, силою Честнаго и Животворящаго Креста Твоего, яко мы усердно к Тебе прибегаем, милостивому Владыце, Господу Иисусу.

Песнь 3

Ирмос: Утверди, Владыко Христе, Крестом на камени мя веры, не поколебаться уму прилоги врага злаго, един бо еси Свят.

Слава, Господи, Кресту Твоему Честному.

Приидите, песнь поим нову, разрушение адово торжествующе; из гроба бо Христос воскрес, смерть пленив, и спасе всяческая.

Слава, Господи, Кресту Твоему Честному.

Приидите, почерпем вернии, не от источника источающего воду тленную, но

от источника просвещения, Креста Христова поклонением, о немже и хвалимся.

Слава, Господи, Кресту Твоему Честному.

Древле егоже прообразоваше Моисей дланьма, Крест Твой ныне облобызающе, умнаго Амаліка побеждаем, Владыко Христе, имже и спасаемся.

Слава, Господи, Кресту Твоему Честному.

Очима и устнама чистыма поюще песнь радования, Господню Кресту радостию поклонимся вернии, плещуще песнями.

Слава: Единого в трех Ипостасех Бога безначальнаго чту, нераздельнаго существа зраком, Отца, Сына, и Духа живаго, в Нихже крестимся.

И ныне: В купине Моисей Твое образно таинство древле, Чистая, виде, якоже бо оныя пламень, огонь Божества Твою утробу не опали.

Спаси от бед раби Твоя, Владыко Многомилостиве, силою Честнаго и Животворящаго Креста Твоего, яко мы усердно к Тебе прибегаем, милостивому Владыце, Господу Иисусу.

Господи помилуй. (Трижды.)

Седален, глас 6

Крест Твой, Господи, освятися, в нем бо бывають исцеления болящим во гресех; имже Тебе припадаем, помилуй нас.

Днесь пророческое исполнися слово: се бо покланяемся на место, идеже стояте ноге Твой, Господи. И Древа спасения вкусивше, греховных страстей свободу улучихом, молитвами Богородицы, единае Человеколюбче.

Слава: Токмо водрузися Древо, Христе, Креста Твоего, основания поколебашася смерти, Господи; егоже бо поглотит желанием ад, отпусти трепетом. Явил еси нам спасение Твое, Святыи, и славословим Тя, Сыне Божий, помилуй нас.

И ныне: Богородице Дево, моли Сына Твоего, пригвождагося волею на Кресте и воскреша из мертвых, Христа Бога нашего, спастиися душам нашим.

Песнь 4

Ирмос: На Кресте Тя, Сильне, светило великое виде, трепетом взятыя, лучи сопрятав скры, вся же тварь воспе со страхом Твое долготерпение, ибо исполнися земля Твоего хваления.

Слава, Господи, Кресту Твоему Честному.

Се воскресе Христос, мирносицам женам Ангел рече: не рыдайте, шедше рцыте апостолом: радуйтеся, днесь спасение миру, мучительство врага смерти разрушися.

Слава, Господи, Кресту Твоему Честному.

Живоноснаго Твоего Креста, поклонную радость днесь, Христе, сретяюще, предсретение творим всевятыя страсти Твоея, юже во спасение мира соделал еси, Спасе, яко всесильен.

Слава, Господи, Кресту Твоему Честному.

Днесь бывает радость на небеси и на земли, яко Христово знамение миру является Крест преблаженный; сей бо предложен быв, источает кланяющимся ему радость приснотекущую.

Слава, Господи, Кресту Твоему Честному.

Что Ти принесем, Христэ, яко Честному Кресту дал еси нам поклонитися, на немже всесвятая Кровь Твоя излилася, идеже и Плоть Твоя гвоздьми водрузися, егоже обლობязующе, ныне благодарим Тя.

Слава: Единого Божества пою три Ипостаси, нераздельно, естественне просто проповедая, Отца безначальна, Сына, и Духа Святого сопредельна, Господство едино, и едино Царство, едину Державу присносущную.

И ныне: Единая в женах явилася еси вещь пречудна, Чистая, слышание страшное; естество бо Ты обновила еси, без семени рождши, пребываючи паки якоже прежде Дева; родивыйся бо из Тебе, Бог есть истинный.

Спаси от бед раби Твоя, Владыко Многомилостиве, силою Честного и Животворящего Креста Твоего, яко мы усердно к Тебе прибегаем, милостивому Владыце, Господу Иисусу.

Песнь 5

Ирмос: Утренююще Тя воспеваем, Спасе Щедре, мир обретше Крестом Твоим, имже обновил еси род человеческий, ко свету невечернему вводя нас.

Слава, Господи, Кресту Твоему Честному.

Возсиял еси от гроба, незаходимый Свете, миру облистая нетление, потребил еси, Господи, смертный плач от конец, яко благоутробен.

Слава, Господи, Кресту Твоему Честному.

Приступим очищеннии воздержанием, тепле обლობязующе во хвалении Древо всесвятое, на немже Христос распинаемь, спасе мир, яко благоутробен.

Слава, Господи, Кресту Твоему Честному.

Ликуют вси ангельстии чини днесь Креста Твоего поклонением, тем бо низложил еси бесовския полки, спасый, Христэ, человечество.

Слава, Господи, Кресту Твоему Честному.

Рай другой познася Церковь, якоже прежде Древо имущая живоносное, Крест Твой, Господи, из негоже прикосновением безсмертию причастихомся.

Слава: Собезначальны Три славлу, единого существа: Бога Отца, Сына, и Духа, Свет един трисиятельный, купно державное Царство, в неслияннем тождестве.

И ныне: Родила еси естества законом, но паче закона; Тебе бо единыя безсеменно рождество, страшный и помышляемый нрав, и глаголемый рождения Твоего, Всенепорочная.

Спаси от бед раби Твоя, Владыко Многомилостиве, силою Честного и Животворящего Креста Твоего, яко мы усердно к Тебе прибегаем, милостивому Владыце, Господу Иисусу.

Песнь 6

Ирмос: Образ Божественного Креста, Иона во чреве китове простертых дланьма проначертá, и взираше спасен от зверя силою Твоею, Слове.

Слава, Господи, Кресту Твоему Честному.

Воскресл еси, смерть упразднив, Христэ, якоже великий Царь, от áдовых сокровищ воззвал еси нас в наслаждение Царства Небеснаго, в землю

безсмертія.

Слава, Господи, Кресту Твоему Честному.

Плещуще пѣснями Божественными, вѣрнии, воскликнем Богу, Крест Господень целующе; освященія бо источает источник всем сущим в міре.

Слава, Господи, Кресту Твоему Честному.

Исполняется песнописательный глас: се бо покланяемся пречистых ног Твоих подножию, Всесильне, Кресту Твоему Честному, тривожделенному Древу.

Слава, Господи, Кресту Твоему Честному.

Еже виде древо в Твой хлеб вложеное, во пророцех рыдатель, Крест Твой, Щедре, облобызающе, воспеваем Твоя узы, и погребение, копие же и гвоздя.

Слава, Господи, Кресту Твоему Честному.

На рамах егоже изволил, Христе, носити святыи Крест, и на сем вознестися, и распятися плотию, облобызающе собираем крепость на враги невидимыя.

Слава: Единицу в трех начертаниих пою, и Троицу во едином естестве покланяемую, Бога Трое купно, свет трисолнечный, Отца, и Сына, и Святаго Духа.

И ныне: Чудес великое чудо в Тебе явися, нескверная Агнице, вземлющаго бо мира грех, Агнца родила еси. Егоже моли прилежно о поющих Тя.

Спаси от бед раби Твоя, Владыко Многомилостиве, силою Честнаго и Животворящаго Креста Твоего, яко мы усердно к Тебе прибегаем, милостивому Владыце, Господу Иисусу.

Господи помилуй. (Трижды.) Слава, и ныне.

Кондак, глас 7

Не ктому пламенное оружье хранит врат Едемских, на тья бо найде преславный союз Древо Крестное, смертное жало, и адова победа прогнася. Предста бо еси, Спасе мой, вопия сущим во аде: внидите паки в рай.

Икос

Три кресты водрузи на Голгофе Пилат, два разбойников, и един Жизнодавца. Егоже виде ад, и рече сущим доле: о слуги мой, и силы моя! Кто водрузив гвоздие в сердце мое, деревяним мя копием внезапно прободет? И растерзаюся, внутренними моими болю, утробою уязвляюся, чувства моя смущают дух мой, и понуждаются изрыгати Адама, и сущия от Адама, древом данныя ми; Древо бо сия вводит паки в рай.

Песнь 7

Ирмос: Из пламене отроки избавлей, плоть приим пришел еси на землю, и на Кресте пригвожден, спасение нам даровал еси, Христе, един благословен отец Боже и препрославлен.

Слава, Господи, Кресту Твоему Честному.

Воскресл еси из гроба тридневно, яко спяй, Господи, адовы вратари поразив Божественною силою, и древния воздвиг праотцы, единае благословенный отец Боже и препрославленный.

Слава, Господи, Кресту Твоему Честному.

Цевницею пёсней ликующе возрадуемся днесь людие, крестным поклонением на сем пригвоздившагося Христа славяще, единого благословенного отцев Бога и препрославленного.

Слава, Господи, Кресту Твоему Честному.

Показавый умерщвления орган, жизни делателище, миру облобызательное, Твой Крест, Всещедре, тому поклоняющихся освяти, единое благословенный отцев Боже и препрославленный.

Слава, Господи, Кресту Твоему Честному.

Единое милостиве и благоутробне, просвети, освяти, единое Иисусе, поклоняющихся верно Твоему Кресту, и Божественным страданием, единое благословенный отцев Боже и препрославленный.

Слава: Единичу в трех Ипостасех, пою Божество: Свет бо Отец, Свет Сын, Свет Дух, Свету нераздельну пребывающую, единством естественным, и тремя лучами лиц сияющую.

И ныне: Всех пророк многоименитое Ты еси проповедание, врата бо Божия, ручка златая, земля святая, явилася еси, Дево Богоневестная, рождающая плотию Иисуса Христа, отцев Бога, и препрославлена.

Спаси от бед раби Твоя, Владыко Многомилостиве, силою Честного и Животворящего Креста Твоего, яко мы усердно к Тебе прибегаем, милостивому Владыце, Господу Иисусу.

Песнь 8

Ирмос: Руце в ров верженный львов, иногда великий во пророцех, крестообразно простер Даниил, невреден от сих снеди спасеся, благословя Христа Бога во веки.

Слава, Господи, Кресту Твоему Честному.

Миро в руках что держите всяко? Кого же взыскуете? Ныне явлейся юноша во гробе, вопия: воскресе Христос и Бог наш, возставивый естество человеков от адовых сокровищ.

Слава, Господи, Кресту Твоему Честному.

Радуйся, требогатое Древо и Божественное, Кресте, свете сущим во тьме, четвероконечный мир сиянием Твоим, востания Христова проявлей зарю, сподоби вся верныя достигнути Пасху.

Слава, Господи, Кресту Твоему Честному.

В сий день благоухают мира Божественныя мироположницы, живомирственное Древо, Крест Христов; обоняем его Богодухновенныя вонии, тому поклоняющиеся верно во веки.

Слава, Господи, Кресту Твоему Честному.

Гряди, Елисеи пророче, рцы яве, что Древо оное, еже в воду вложил еси? Крест Христов, имже от глубины тли извлекомся, тому поклоняющиеся верно во веки.

Слава, Господи, Кресту Твоему Честному.

Древле Иаков прообразуя Крест Твой, Христе, Иосиф поклоняшеся Божественного жезла краеву, скиптр сей страшный Царствия Твоего предвидев;

ему́же ны́не покланя́емся ве́рно во ве́ки.

Слава: Еди́но в трех начертáниих существó сла́вя, не слива́ю единоли́чно трех, ниже́ пресеца́ю зра́ка, Отца́, и Сы́на, со Ду́хом; еди́н бо над все́ми Бог в Трѳи́це.

И ны́не: Еди́на в ма́терех яви́лася еси́, Де́ва Богоневѳсто Мари́е, без му́жа роди́вши Христа́ Спа́са, чистоты́ зна́мение сохрани́вши; Тебе́ ублажа́ем ве́рнии во ве́ки.

Спаси́ от бед раби́ Твоя́, Влады́ко Многоми́лостиве, си́лою Честна́го и Животворя́щаго Креста́ Твоего́, я́ко мы усер́дно к Тебе́ прибега́ем, ми́лостивому Влады́ще, Го́споду Иису́су.

Песнь 9

Ирмос: О Ма́ти Де́во и Богороди́це нелѳжная, ро́ждшая безсе́менно Христа́ Бо́га на́шего, на Крест возне́сшагося плѳтию, Ты ве́рнии вси досто́йно с Ним ны́не велича́ем.

Сла́ва, Го́споди, Кресту́ Твоему́ Честно́му.

Во гроб соше́л еси́, Жизнода́вче и Бо́же, и сокруши́л еси́ вся заклѳпы же и вере́й, и ме́ртвья воскреси́л еси́, сла́ва воста́нию Твоему́, вопи́ющия, Христѳе Спа́се Всеси́льне.

Сла́ва, Го́споди, Кресту́ Твоему́ Честно́му.

Гроб Твой жизнь мне, Христѳе, источи́, содержи́ бо жизнь, предста́в возопи́л еси́ живу́щим во гробѳх: су́щий во у́зах, разреши́теся, Аз бо ми́ра избавле́ние приидѳх.

Сла́ва, Го́споди, Кресту́ Твоему́ Честно́му.

Пѳсньми да възгра́ют вся древа́ дубра́вная, тезоимени́тое Дре́во Креста́ зря́ще облобыза́мое днесь; на не́мже Христѳс вознесе́ главу́, я́коже проро́чествует Божѳственный Дави́д.

Сла́ва, Го́споди, Кресту́ Твоему́ Честно́му.

Дре́вом умеры́й, Дре́во Ты обрето́х жи́зни, Христонѳсне Крестѳе мой, храните́лю мой неруши́мый, на де́моны крѳпкая держа́во, тебе́ покланя́йся днесь зову: освяти́ мя сла́вою твоѳю.

Сла́ва, Го́споди, Кресту́ Твоему́ Честно́му.

Весели́ся, ра́дуйся Це́рковь Бо́жия, Дре́ву требога́тному покланя́ющися днесь, всесвята́го Креста́ Христо́ва, ему́же служат чи́нове а́нгельстии, и со стра́хом предстоя́т.

Слава: Трѳи́це ли́цы, Еди́нице естество́м покланя́юся, Тебе́, Божество́ свято́е, Отцу́, и Сы́ну, со Святы́м же Ду́хом, еди́ному Нача́лу, еди́ному Ца́рству, все́ми влады́честву́ющему.

И ны́не: Горá вели́кая, в но́же всели́ся Христѳс, Ты яви́лася еси́, Де́во, я́коже Божѳственный Дави́д вопиѳет; Ею́же мы вознесѳхомся к небеси́, всыни́вшися Ду́хом, Всеблаже́нная.

Спаси́ от бед раби́ Твоя́, Влады́ко Многоми́лостиве, си́лою Честна́го и Животворя́щаго Креста́ Твоего́, я́ко мы усер́дно к Тебе́ прибега́ем, ми́лостивому Влады́ще, Го́споду Иису́су.